


লোক, কাজ এবং লক্ষ্য



শ্রী

শ্রী

শ্রী

শ্রী

শ্রী

শ্রী

শ্রী

শ্রী

শ্রী

প্রকাশনায় :

ইন্টারন্যাশনাল করস্পন্ডেন্স ইন্সটিটিউট

৪০৯/১ নিউ ইস্কাটন রোড,

পোর্ট বক্স-৭০০, ঢাকা-২

বাংলাদেশ।

সর্বস্বত্ব সংরক্ষিত

ছাপা ১০০০ কপি

১৯৮৬ ইং

PEOPLE, TASKS & GOALS

- 1986 All Rights Reserved
International Correspondence Institute
Brussels, Belgium

মুদ্রণ : গ্রাফিক্স প্রেস

৪০৯/১ নিউ ইস্কাটন রোড,

ঢাকা-২, বাংলাদেশ।

সূচী পত্র

পৃষ্ঠা

ভূমিকা	:	৫
প্রথম খণ্ড	:	নেতারা কেমন এবং অন্যান্য লোকের সাথে তারা কিভাবে যোগাযোগ করেন	
পাঠ	:		
১ম পাঠ	:	নেতৃত্বদানকারী ও অনুসরণকারী লোক.....	১৪
২য় পাঠ	:	নেতারা লোকদের প্রশংসা করেন.....	৪৪
৩য় পাঠ	:	নেতারা বুদ্ধিলাভ করেন এবং অন্যদের বুদ্ধিলাভে সাহায্য করেন.....	৭৬
দ্বিতীয় খণ্ড	:	নেতারা কি করেন এবং অন্যান্য- দের তারা কিভাবে কাজে লাগান	
৪র্থ পাঠ	:	নেতারা পরিকল্পনা ও সংগঠন করেন.....	১১২
৫ম পাঠ	:	নেতারা সংযোগ স্থাপন করেন	১৪৪
৬ষ্ঠ পাঠ	:	নেতারা সমস্যা সমাধান ও সিদ্ধান্ত গ্রহণ করেন	১৭৮
তৃতীয় খণ্ড	:	কিভাবে নেতৃবর্গ, মণ্ডলীর বিবিধ কার্যসম্পাদনে লোকদের সাহায্য ও সহযোগিতা পেতে পারেন ও কৃতকার্যতা লাভ করতে পারেন	
৭ম পাঠ	:	নেতারা দায়িত্ব গ্রহণ করেন.....	২১৮
৮ম পাঠ	:	নেতারা লক্ষ্য অর্জনে এগিয়ে যান	২৫০
৯ম পাঠ	:	নেতারা উৎসাহী হন এবং অন্যদের উৎসাহ যোগান	২৮২
পরিশিষ্টাংশ	:	৩২৯
পরিভাষা	:	৩৩৮
উত্তর মালা	:	৩৪৪

ইন্টারন্যাশনাল করসপাওন্স ইনষ্টিটিউট

খ্রীষ্টিয় পরিচর্যা পাঠ্যক্রম :

এই পাঠ্য বিষয়টি ইন্টারন্যাশনাল করসপাওন্স ইনষ্টিটিউটের খ্রীষ্টিয় পরিচর্যা পাঠ্যক্রমের ১৮টি বিষয়ের একটি। খ্রীষ্টিয় পরিচর্যা পাঠ্যক্রমকে মোট তিনটি ভাগে ভাগ করা হয়েছে এবং এর প্রতি ভাগে মোট ছয়টি করে বিষয় আছে। “লোক, কাজ ও লক্ষ্য”—খ্রীষ্টিয় নেতৃত্বের উপর একখানি পাঠ্য পুস্তক, বইটি দ্বিতীয় ভাগের ছয় নম্বর পাঠ্য বিষয়। আপনি শুধুমাত্র এই বইটি পড়তে পারেন, অথবা একটি একটি করে পাঠ্যক্রমের সব বইগুলিও পড়তে পারেন।

খ্রীষ্টিয় পরিচর্যা সিরিজের বিষয়গুলি এমনভাবে লেখা হয়েছে যাতে খ্রীষ্টিয় কার্যকারীরা নিজেরাই সেগুলি পড়ে শিখতে পারেন। এই পাঠ্য বিষয়টি পড়ে শেষ করলে একজন ছাত্র যেমন বাইবেলের জ্ঞান লাভ করবেন, তেমনি ব্যবহারিক জীবনেও খ্রীষ্টিয় পরিচর্যা কাজে দক্ষ হয়ে উঠবেন। পাঠ্য বিষয়গুলি সব দেশের সব খ্রীষ্টিয় কার্যকারীদের জন্যই লেখা।

লক্ষ্য করুন :

পাঠ্য বইয়ে দেওয়া প্রাথমিক নির্দেশগুলি ভালভাবে পড়ুন। নির্দেশগুলি মেনে চললে আপনি সহজেই পাঠ্য বিষয়ের মূল লক্ষ্য বা উদ্দেশ্যগুলি অর্জন করতে পারবেন। আর তাহলে ছাত্র রিপোর্ট লিখতে আপনার কোনই অসুবিধা হবে না।

কোর্স সম্পর্কে সকল চিঠি পত্র নীচের ঠিকানায় পাঠান :

আই, সি, আই,

পোস্ট বক্স-৭০০

ঢাকা-২, বাংলাদেশ

ভূমিকা

নীতি ও পদ্ধতি—এই দুই উপায়েই আমরা সবচেয়ে বেশী শিক্ষালাভ করে থাকি। এই পাঠ্য বইয়ে এই দুইটি উপায়েই নেতৃত্বের বিষয় আলোচনা করা হয়েছে। ঈশ্বর মনোমত বিশেষ কয়েকজন নেতার জীবন আদর্শ থেকে আমরা পদ্ধতিগত বা উদাহরণ-মূলক উপায় লক্ষ্য করবো। এই নেতাদের কার্যকারী নেতৃত্বদানের নীতিগুলির পুঙ্খানুপুঙ্খ ব্যাখ্যার দিকেও আমরা বিশেষ গুরুত্ব দেবো। নেতৃত্বের বিষয়কে কেন্দ্র করে বাইবেল অধ্যয়নের চমৎকার একটি সুযোগ আপনি এখানে লাভ করবেন। এছাড়াও আপনি মানব চরিত্রের উন্নতি ও নেতৃত্বদানের সর্বশেষ মতবাদ জানতে পারবেন এবং খ্রীষ্টিয় বিশ্বাস ও নীতির সাথে কিভাবে সামঞ্জস্য পূর্ণ ভাবে ব্যবহার করতে হবে, তা বুঝতে পারবেন।

এই বইয়ের মূল সত্যটি হ'ল, নেতৃত্বদান—এই পৃথিবী ও মানুষের জন্য ঈশ্বরের পরিকল্পনা ও উদ্দেশ্য বাস্তবায়নের হাতিয়ার বা উপায়-স্বরূপ। নেতৃত্বের তিনটি প্রধান দিকের উপর গুরুত্ব প্রদান করবার জন্য এই পাঠ্যটিকে তিনটি প্রধান খণ্ডে ভাগ করা হয়েছে : লোক (নেতা ও অনুগামী উভয় দলের সদস্যরাই), কাজ যা অবশ্যই সম্পন্ন করতে হবে এবং লক্ষ্য যা অর্জন করতে হবে। সঠিক নেতৃত্বদানের জন্য এই তিনটি বিষয়ের প্রতি সত্যক দৃষ্টি আরোপ করতে হবে। এই জন্য নেতৃত্বদানের যে প্রধান তিনটি গুণাবলী আপনার জীবনে গড়ে উঠতে বইটি সাহায্য করবে, সেগুলি হলো : সৌভ্রাতৃত্ব, অন্যান্য লোকদের সাথে কাজ করবার গুণ ; কর্পূদক্ষতা, ফলপ্রসূ ভাবে কাজ করবার গুণ ; এবং আহ্বান বা কোন একটি লক্ষ্যে এগিয়ে যাবার জন্য একান্ত আকাংখা, যা আপনাকে লক্ষ্য বা উদ্দেশ্য বাস্তবায়নে সাহায্য করবে।

পাঠ্য বিষয়ের বিবরণ :

লোক, কাজ, লক্ষ্য : খ্রীষ্টিয় নেতৃত্বের উপর একখানি পাঠ্যপুস্তক। বইটি নেতৃত্বের খ্রীষ্টিয় ভিত্তি বর্ণনা করে। নেতৃত্বের সূত্র ও কাজের

সাথে এটি আমাদের পরিচয় করিয়ে দেয় এবং শাস্ত্রীয় ও ব্রাতৃত্বের নীতির সঠিক প্রয়োগে আমাদের পরিচালনা দান করে। সাধারণ বিশ্বাসী এবং অভিজ্ঞ পরিচর্যাকারী এই উভয় প্রকার লোকের জন্যই এর বিষয় সমূহ ব্যবহার যোগ্য। যারা অন্যদের খ্রীষ্টিয় নেতৃত্ব শিক্ষা দিতে চান তারাও এটি কৃতকার্যতার সাথে ব্যবহার করতে পারেন। বইটির প্রধান উদ্দেশ্য হ'ল নেতা ও অনুগামীদের মধ্যকার স্ব স্ব দানগুলির ও তাদের ক্ষমতাগুলির আরো বৃদ্ধিসাধন এবং পারস্পরিক সম্পর্কের উন্নয়ন।

পাঠ্য বিষয়ের লক্ষ্য :

এই বইটি পড়া শেষ হলে আপনি :—

- ১। নেতৃত্বের শাস্ত্রীয় ব্যাখ্যা দান করতে পারবেন এবং উপযুক্ত উদাহরণ দেখাতে পারবেন।
- ২। খ্রীষ্টিয় নেতৃত্বে লোক, কাজ ও লক্ষ্য—এই পদ্ধতিটির ব্যাখ্যা করতে পারবেন।
- ৩। আপনার নিজের জীবনে এবং অন্যের জীবনে নেতৃত্বের দানগুলি এবং ক্ষমতাগুলির যাচাই ও পরীক্ষা করতে পারবেন।
- ৪। নেতৃত্বের সুনির্দিষ্ট যোগ্যতাগুলি, কর্মদক্ষতা এবং মনোভাব প্রকাশ করতে পারবেন এবং অন্যদের জীবনে এগুলি গড়ে তুলতে সাহায্য করতে পারবেন।
- ৫। খ্রীষ্টিয় লক্ষ্য সম্পাদনে অন্যান্য নেতা ও অনুসরণকারীদের সাথে কার্যক্ষেত্রে আপনার স্থান ও দায়িত্বে সম্ভূত থাকতে এবং সে অনুযায়ী কাজ করতে সক্ষম হবেন।

পাঠ্যবই :

এই কোর্সের জন্য আপনার পাঠ্যবই হ'ল : "লোক, কাজ ও লক্ষ্য।" এই বইটি লিখেছেন বেইলী ডেভিস। আপনি এটি পাঠ্যবই হিসাবে, অথবা সাহায্যকারী বই হিসাবে ব্যবহার করতে পারেন। এর সাথে পড়ার জন্য দরকার একখানি বাইবেল। নতুন অনুবাদ থেকেই বাইবেলের বেশীর ভাগ উদ্ধৃতি দেওয়া হয়েছে; কোন কোন ক্ষেত্রে পুরানো অনুবাদ ও অন্যান্য অনুবাদের সাহায্যও নেওয়া হয়েছে।

পড়ার সময় :

প্রত্যেকটি পাঠের জন্য ঠিক কত সময় আপনার লাগবে, তা কিছুটা নির্ভর করে পড়া আরম্ভ করবার আগে পাঠ্যবিষয় সম্পর্কে জ্ঞান ও পড়ার দক্ষতার উপর। তাছাড়া, নিজে নিজে পড়ে শিখবার নীতিগুলি কতটুকু মেনে চলেন তার উপরও সময়ের পরিমাণ নির্ভর করে। এমনভাবে পড়ার সময় ঠিক করে নেবেন, যেন বইয়ের উল্লিখিত লক্ষ্যগুলিতে এবং আপনার ব্যক্তিগত লক্ষ্যগুলিতে পৌঁছাবার জন্য যথেষ্ট সময় পান।

পাঠ কিভাবে সাজান হায্যেছ এবং কিভাবে পড়তে হবে :

প্রত্যেকটি পাঠের মধ্যে আছে—(১) পাঠের নাম, (২) ভূমিকা, (৩) পাঠের খসড়া, (৪) পাঠের লক্ষ্য, (৫) আপনার জন্য কিছু কাজ, (৬) মূল বা কঠিন শব্দাবলী, (৭) পাঠের বিস্তারিত বিবরণ যার মধ্যে আছে পাঠ সম্পর্কে বিভিন্ন প্রশ্ন, (৮) পরীক্ষা (পাঠের শেষে) এবং (৯)—উত্তরমালা (বইয়ের সবশেষে)।

পাঠের খসড়া এবং লক্ষ্যগুলি আপনাকে পাঠ্যবিষয়ের সম্পর্কে মোটামুটি একটি ধারণা দেবে। পড়বার সময় সবচেয়ে প্রয়োজনীয় বিষয়গুলির উপর এগুলি আপনার দৃষ্টি আকর্ষণ করবে এবং কি শিখতে হবে, তা আপনাকে দেখিয়ে দেবে।

পাঠের মধ্যকার অধিকাংশ প্রশ্নের উত্তর এই বইতেই লিখতে পারবেন। কিন্তু বড় উত্তর লিখবার জন্য একটা নোট খাতার প্রয়োজন হবে। নোট খাতার উত্তর লিখবার সময় পাঠের নম্বর ও পাঠের নাম লিখতে ভুলবেন না। তা হলে ছাত্র রিপোর্ট তৈরীর সময় আপনার সুবিধা হবে।

বইয়ের উত্তর আগে দেখবেন না। প্রথমে নিজের উত্তর লিখুন, তারপর বইয়ের উত্তরের সাথে আপনার উত্তর মিলিয়ে দেখুন। এইভাবে পড়লে বিষয়গুলি আরো ভালভাবে মনে রাখতে পারবেন। কোন প্রশ্নের উত্তর ভুল লিখলে পরে সেটি সংশোধন করে লিখুন। বইয়ের

উত্তরগুলি সংখ্যানুযায়ী পর পর দেওয়া হয়নি যেন কোন প্রশ্নের উত্তর লিখবার আগেই ভুল করে আপনি সেই প্রশ্নের উত্তর দেখে না ফেলেন।

প্রশ্নগুলি খুবই প্রয়োজনীয়। এগুলি আপনাকে প্রতিটি পাঠের প্রধান বিষয়গুলি (বা শিক্ষাগুলি) মনে রাখতে এবং পাঠ থেকে যে শিক্ষা আপনি পেয়েছেন, তা জীবনে প্রয়োগ করতে সাহায্য করবে।

কিভাবে প্রশ্নাবলীর উত্তর লিখবেন :

এই বইয়ে বিভিন্ন ধরনের শিক্ষামূলক ও পরীক্ষামূলক প্রশ্ন দেওয়া হয়েছে। নীচে এদের কয়েকটি উদাহরণ এবং কিভাবে এগুলির উত্তর লিখতে হবে, তা দেখানো হয়েছে। অন্যান্য ধরণের প্রশ্নের জন্য সাহায্যকারী নির্দেশ দেওয়া হবে। **কোন কোন প্রশ্ন**, বিভিন্ন উত্তরগুলির মধ্যে থেকে আপনাকে নির্ভুল উত্তরটি বেছে বের করতে হবে।

উদাহরণ :

- ১। বাইবেলে মোট :
ক) ১০০টি বই আছে।
খ) ৬৬টি বই আছে।
গ) ২৭টি বই আছে।

এখানে নির্ভুল উত্তর হচ্ছে (খ) ৬৬টি বই আছে। আপনার বইয়ে, নীচে যেভাবে দেখানো হয়েছে, সেইভাবে (খ)—এর পাশে দাগ দিন।

- ১। বাইবেলে মোট :
ক) ১০০টি বই আছে।
✓ খ) ৬৬টি বই আছে।
গ) ২৭টি বই আছে।

কোন কোন সময় এই ধরনের প্রশ্নে একটিরও বেশী নির্ভুল উত্তর থাকবে। সেক্ষেত্রে আপনাকে প্রতিটি নির্ভুল উত্তরের পাশে দাগ দিতে হবে।

কোন কোন প্রশ্নে বিভিন্ন উক্তিগুলির মধ্যে **কোন-টি সত্য**, তা আপনাকে দেখাতে হবে।

উদাহরণ :

২। নীচের উক্তিগুলির মধ্যে কোন্টি কোন্টি সত্য ?

ক) বাইবেলে মোট ১২০টি বই আছে।

✓ খ) বাইবেলে বর্তমান কালের বিশ্বাসীদের জন্য বার্তা আছে।

গ) বাইবেলের সব লেখকরাই হিব্রু ভাষায় তাদের বিবরণ লিখেছেন।

✓ ঘ) পবিত্র আত্মা বাইবেলের লেখকদের অনুপ্রাণিত করেছিলেন।

উক্তিগুলির মধ্যে খ ও ঘ সত্য। তাই উপরের মত আপনাকে খ ও ঘ এর পাশে টিক (✓) চিহ্ন দিতে হবে।

আরো কতগুলি প্রশ্ন থাকবে যেগুলিতে, কোন্ কোন্ বিষয়ের মধ্যে মিল আছে, তা আপনাকে দেখাতে হবে। যেমন কোন ব্যক্তির নামের সাথে তার বর্ণনার, অথবা বাইবেলের বইগুলির সাথে তাদের লেখকদের, ইত্যাদি।

উদাহরণ :

৩। ডান পাশে ব্যক্তিদের নাম এবং বাম পাশে তাদের কয়েকটি কাজ বর্ণনা করা হয়েছে, কোন্ ব্যক্তি কোন্ কাজ করেছিলেন তা দেখান। (এখানে ব্যক্তির নামের সংখ্যাটি নিয়ে সঠিক বর্ণনার পাশের খালি জায়গায় বসাতে হবে)।

- | | |
|--|--------------|
| ...১...ক) সীময় পর্বতে ব্যবস্থা পেয়েছিলেন। | (১) মোশি |
| ...২...খ) ইস্রায়েলকে নিয়ে যর্দন পার হয়েছিলেন। | (২) যিহোশূয় |
| ...২...গ) যিরিহোর চারপাশে ঘুরেছিলেন। | |
| ...১...ঘ) ফরৌণের রাজ প্রাসাদে বাস করেছিলেন। | |

ক ও ঘ-এর বর্ণনা মোশির সম্পর্কে এবং খ ও গ-এর বর্ণনা যিহোশূয়ের সম্পর্কে। তাই উপরের মত আপনাকে ক ও ঘ-এর পাশে ১ এবং খ ও গ-এর পাশে ২ লিখতে হবে।

পড়বার বিভিন্ন উপায় :

আপনি যদি নিজে নিজে এই কোর্সটি পড়তে চান তাহলে ডাক-যোগে আপনি সমস্ত কাজ করতে পারেন। পাঠ্যবিষয়টি এমনভাবে

তৈরী করা হয়েছে যেন নিজে পড়ে তা শিখতে পারেন। অথবা ক্লাশে যোগ দিয়ে বা অনেকে মিলে দলগতভাবেও পড়তে পারেন। যদি এইভাবে পড়েন তবে আপনার শিক্ষক এই বইয়ের শিক্ষা ছাড়াও অতিরিক্ত আরো কিছু কিছু বিষয় শিক্ষা দিতে পারেন, যেগুলি অবশ্যই আপনাকে মনে চলতে হবে।

আপনি পারিবারিক বাইবেল পাঠের দলে, মণ্ডলীর বাইবেল ক্লাশে অথবা কোন বাইবেল স্কুলে এই পাঠ্যবিষয়টি ব্যবহার করতে চাইতে পারেন। পাঠের বিষয়-বস্তু এবং পাঠের নিয়ম-কানুন এর যে কোন ক্ষেত্রে ব্যবহারের জন্য উপযোগী করে লেখা হয়েছে।

ছাত্র-রিপোর্ট :

আপনি নিজে নিজে, দলগতভাবে, কিংবা ক্লাসে যোগ দিয়ে, যেভাবে পড়েন না কেন, এই বিষয়টির সাথে রিপোর্ট-এর প্রশ্ন ও উত্তর-পত্র পাবেন। পাঠ্যবই ও ছাত্র-রিপোর্টের নির্দেশ অনুযায়ী আপনাকে এগুলি পূরণ করতে হবে। প্রতিটি ছাত্র-রিপোর্ট পূরণ করে সংশোধন ও মতামতের জন্য শিক্ষকের কাছে পাঠিয়ে দেবেন।

প্রত্যায়ন-পত্র। (সার্টিফিকেট)

সফলতার সাথে এই কোর্সটি শেষ করার পর শিক্ষক কর্তৃক আপনার ছাত্র-রিপোর্টগুলির উপযুক্ত নাম নির্ণয়ের ভিত্তিতে আপনাকে একটি প্রত্যায়ন-পত্র বা সার্টিফিকেট দেওয়া হবে।

এই বইয়ের লেখিকা :

বেইলী ডেভিস, ডক্টর অব এডুকেশন,—যার বিভিন্ন মণ্ডলী, স্কুল ও সরকারী সংস্থায় সাংগঠনিক ও পরিচালনা-ক্ষেত্রে প্রচুর অভিজ্ঞতা ও প্রশিক্ষণ রয়েছে। শিক্ষা ও সমাজ বিজ্ঞানে তার বেশ কিছু ডিগ্রি রয়েছে। বর্তমানে তিনি স্প্রিংফিল্ড, মিশৌরীতে অবস্থিত ইন্ডিয়ান জেল কলেজে বিহেভিয়েরাল (ব্যবহার বা আচরণ সম্বন্ধীয়) বিজ্ঞানের সহকারী অধ্যাপিকা হিসাবে নিয়োজিত রয়েছেন। খ্রীষ্টিয়ান শিক্ষক নেতাদের

জন্য তিনি দুইটি ভাষায় অনেক কিছু লিখেছেন এবং অনেক দেশে প্রশিক্ষণ-শিবির পরিচালনা করেছেন। খ্রীষ্টিয় পরিচর্যা কাজে তিনি একজন অভিজ্ঞ পরিচারিকা। তার স্বামীও একজন পরিচর্যাকারী।

আপনার শিক্ষক :

আপনার শিক্ষক সম্ভাব্য সব রকমভাবে আপনাকে সাহায্য করতে পারলে খুশী হবেন। পাঠ্যবিষয় অথবা ছাত্র-রিপোর্ট সম্পর্কে কোন প্রশ্ন থাকলে তাকে জিজ্ঞাসা করুন। যদি কয়েকজন মিলে একসঙ্গে বিষয়টি অধ্যয়ন করতে চান, তাহলে তাকে অনুরোধ করুন যেন দলগত-ভাবে পড়বার জন্য প্রয়োজনীয় বন্দোবস্ত করে দেন।

ঈশ্বর আপনাকে আশীর্বাদ করুন। এই পাঠ্যবিষয়টি যেন আপনার খ্রীষ্টিয় জীবন ও পরিচর্যাকে সামনের দিকে এগিয়ে নিয়ে যায় ও খ্রীষ্টের দেহে (মণ্ডলীতে) আরো ও স্বক্রিয়ভাবে অংশ গ্রহণ করতে সাহায্য করে, এই প্রার্থনা করি।